

Parlamentarna skupština BiH

n/r predsjedavajuće, Borjana Krišto

Kolegij ZD PSBiH

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	06-01-2021		
Organizaciona jedinica	Klasifikaciona oznaka	Redni broj	Broj priloga
01-50-1-		15-15/20	

Pitanje predsjedavajućem Vijeća ministara BiH

i

Ministru za ljudska prava i izbjeglice,

Na osnovu člana 167. Poslovnika o radu Zastupničkog doma podnosim slijedeće:

ZASTUPNIČKO PITANJE

„I PORED ČINJENICE DA SVAKI DRUGI BOSANAC I HERCEGOVAC ŽIVI U ISELJENIŠTVU, NEOBJAŠNJIVO JE DA VIŠE OD GODINU DANA NITI NA VIJEĆU MINISTARA BOSNE I HERCEGOVINE, NITI U OVOJ INSTITUCIJI (PARLAMENTARNOJ SKUPŠTINI BIH) NIJE RAZMATRAN NITI JEDAN MATERIJAL KOJI TRETIRA OVU OBLAST. STOGA POSTAVLJAM PITANJA:

1. ZAŠTO SE NA VIJEĆU MINISTARA NE RAZMATRAJU MATERIJALI KOJI SE ODOSE NA ISELJENIŠTVO/DIJASPORU I SHODNO TOME NITI U PARLAMENTU?
2. ŠTA JE UOPŠTE MINISTARSTVO URADILO U PRETHODNIH GODINU DANA DA AFIRMIŠE SARADNJU SA ISELJENIŠTVOM/DIJASPOROM, ODNOSNO KOLIKO JE MATERIJALA PRIPREMILO I UPUTILO PREMA VIJEĆU MINISTARA BOSNE I HERCEGOVINE“

Prema dostupnim zvaničnim podacima agencija za statistiku zemalja prijema i diplomatsko konzularnih predstavništava Bosne i Hercegovine, procjena ukupnog broja osoba koje žive u iseljeništvu, a koje vode porijeklo iz Bosne i

Hercegovine iznosi 2 miliona, što čini 56,6% u odnosu na 3.531.159 ukupnog stanovništva u Bosni i Hercegovini.

Veliki broj osoba u iseljeništvu je izrazito dobro integrisan u zemljama prijema i kao takvi spremni su pomoći svojoj domovini u njenom razvoju na svakom polju, od nauke do umjetnosti. S druge strane iseljeništvo svojim doznakama u možda najznačajnijoj mjeri utiče na makroekonomsku stabilnost BiH jer učestvuje u iznosu od 13-16% BDP BiH sa godišnjim iznosom između 2-4 milijarde maraka. Međutim, upravo ova oblast odnosno ova kategorija stanovništva, koje je i konstruktivni i kapitalni segment bh.društva je potpuno normativno zapostavljena u BiH. Ništa se ne čini da se ovo pitanje uredi na institucionalan način, pogotovo tokom ovog saziva Vijeća ministara BiH i čini se da se to upravo svjesno radi. Jer osim dokumenta Politike o saradnji sa iseljeništvom koja je usvojena 2017.godine i Strategije vanjske politike Predsjedništva BiH, od ovog saziva Vijeća ministara niti jedan drugi dokument koji bi dodatno uredio ovu oblast, nije usvojen niti je predložen ovom Parlamentu na usvajanje. Prema tome, ovdje treba reći takvu činjenicu i treba reći da je ovakvo postupanje tendenciozno upravo radi onoga što iseljeništvo jeste sa cjelokupnim svojim kapacitetom.

ŠEF KLUBA POSLANIKA SDA

Adil Osmanović

